

坐寶花臺誰知此景無中有

赴劉公齋

玉液瓊漿調和玉屑便教玉案堆冰雪須憑玉杖作良工捍成
玉餅輕輕疊 驀聽金聲金刀細切金爐裏面烹無歇馨香軟
美喂金牛金牛飽後無生滅

葡萄

根蒂蟠虬龍鬚圍繞枝枝葉葉青青好三光照曜結雲棚就中
幾穗非常寶 初似琉璃終成瑪瑙攢攢簇簇圓圓小數珠相
似恐人偷馬風喫了歸蓬島

又

道藏輯要

漸悟集

九

胃集七

三髻軒昂一般仙格宜乎花戴青黃白這些道意少人知馬風
再遇親傳得 欲要修持須依法則日來月往通關脈烹鉛鍊
汞結金丹功成行滿蓬瀛客

全真堂竹簾

白刃持籊青絲作線一經一緯挨排遍功成不敢掛茅簷全真
堂裏垂方便 隔斷塵囂內容自見閑閑不用他人捲月鉤高
釣入青霄恁時爭看扶風面

又

馬銚平生心平性善因師釣出牟平縣逍遙坦蕩過東平平安
無事身康健 得到興平治平爲念清平快樂無征戰雲遊地